



Broj: 530/25

Datum: 25.9.2025. godine

SENAT UNIVERZITETA U TRAVNIKU

Na osnovu Pravila studiranja za prvi ciklus studija (Prečišćeni tekst) broj: 510/22 od 26.9.2022. godine, Pravila studiranja za drugi ciklus studija (Prečišćeni tekst) broj: 530/19 od 26.9.2019. godine, Senat Univerziteta u Travniku na sjednici održanoj 25.9.2025. godine donosi

ODLUKU**o sistemu ocjenjivanja i vrednovanja rada studenata od akademske 2025./2026. godinu****Član 1.**

Na fakultetima Univerziteta u Travniku, primjenjuje se jedinstven sistem ocjenjivanja i vrednovanja rada studenata od akademske 2025./2026. godinu.

Rad studenata prati se kontinuirano tokom nastave, pri čemu se pojedinačno ocjenjuju svi oblici aktivnosti dodjeljivanjem odgovarajućeg broja bodova, kako slijedi:

1. Prisustvo na nastavi 0-10 bodova (0-10%).

2. Seminarski rad/esej/usmena odbrana rada/aktivnost na nastavi 0-15 bodova (0-15%)

3. Parcijalni test(ovi)/praktični rad/laboratorijske vježbe 0-30 bodova (0-30%) - pojedinačne bodove za parcijalne testove definiše nastavnik prema obimu gradiva, imajući u vidu da konačan zbir bodova iz ove kategorije ne može prelaziti 30. Parcijalni test(ovi) organizuju se u toku nastave.

Ukoliko student ostvari maksimalan broj bodova tokom nastave iz navedenih aktivnosti - 55 bodova (55 %), stiče pravo na prolaznu ocjenu (6) . Za veću ocjenu, student može pristupiti završnom i popravnom ispitu.

4. Završni ispit – na završni ispit upućuju se studenti koji tokom nastave nisu ostvarili maksimalan broj bodova (55), kao i studenti koji žele ostvariti bolji uspjeh. Završni ispit nosi ukupno 45 bodova (45 %). Završni ispit se može organizovati pismeno, usmeno ili pismeno i usmeno.

Studenti koji ne ostvare dovoljan broj bodova tokom nastave i na završnom ispitu, upućuju se na popravni ispit, koji se također vrednuje sa 45 bodova (45%).

Član 2.

Izuzetno od odredbe člana 1. stav 4. ove Odluke, studenti koji nisu prisustvovali svim predviđenim aktivnostima tokom semestra i koji ostvare **manje od 20 bodova** (redovni – full time studenti), odnosno **manje od 10 bodova** (vanredni – part time studenti), upućuju se na polaganje završnog ispita koji nosi ukupno **65 bodova (65%)**, i organizuje se iz cjelokupnog gradiva za određeni predmet.

Bodovi sa završnog ispita zbrajaju se sa bodovima koje je student ostvario tokom nastave (prisustvo/seminarski rad/parcijalni ispiti). Na taj način, ove kategorije studenata, mogu ostvariti maksimalnu



ocjenu 8 (osam - C) za redovne, odnosno 7 (sedam – D) za vanredne studente. Ukoliko ni na završnom ispitu ne ostvare dovoljan broj bodova za prolaznu ocjenu, upućuju se na popravni ispit, koji nosi isti broj bodova kao i završni ispit (65).

Član 3.

Izuzetno, uslijed specifičnosti pojedinih studija organizacionih jedinica Univerziteta u Travniku, Naučno-nastavno vijeće organizacione jedinice može donijeti odluku o praćenju rada studenata i ocjenjivanja tokom nastave te usvojiti evidencije radi praćenja istih, s tim da minimalan broj bodova predispositivnih aktivnosti može iznositi 30 a maksimalan 55 u skladu sa Statutom Univerziteta u Travniku.

Član 4.

Na osnovu kriterija navedenih u članu 1. i 2. ove Odluke Uspjeh studenta na ispitu i drugim oblicima provjere znanja u skladu sa Zakonom vrednuje se i ocjenjuje u sistemu ocjenjivanja od nedovoljan (5) do izvrstan (10) te ECTS skalom ocjenjivanja (ocjenama od A do F) u sistemu ECTS-a, prema sljedećem:

- **ocjena izvrstan (10) odgovara ocjeni A u skali ECTS-a, i obrnuto** (izuzetan uspjeh bez grešaka ili sa neznatnim greškama, nosi 95-100 bodova);
- **ocjena vrlo dobar (9) odgovara ocjeni B u skali ECTS-a, i obrnuto** (iznad prosjeka, sa ponekom greškom, nosi 85-94 bodova);
- **ocjena dobar (8) odgovara ocjeni C u skali ECTS-a, i obrnuto** (prosječan, sa primjetnim greškama, nosi 75 – 84 bodova);
- **ocjena zadovoljava (7) odgovara ocjeni D u skali ECTS-a, i obrnuto** (općenito dobar, ali sa značajnim nedostacima, nosi 65-74 bodova);
- **ocjena dovoljan (6) odgovara ocjeni E u skali ECTS-a, i obrnuto** (zadovoljava minimalne kriterije, nosi 55-64 bodova);
- **ocjena nedovoljan (5) odgovara ocjeni F u skali ECTS-a, a ocjene F i FX u skali ECTS-a prevode se u ocjenu nedovoljan (5)** (ne zadovoljava minimalne kriterije, manje od 55 bodova).

Prolazne ocjene su: izvrstan (10), vrlo dobar (9), dobar (8), zadovoljava (7) i dovoljan (6).

U indeks (studentsku knjižicu) upisuju se samo prolazne ocjene.

Član 5.

Student je dužan prijaviti samo završni ili popravni ispit koji se organizuju u redovnim ispitnim terminima, nakon održane nastave, dok parcijalne test polaže bez prijavljivanja, u toku nastave, na način i u vrijeme koje odredi predmetni nastavnik.

Student koji nije zadovoljan postignutom ocjenom može u roku od 48 sati, nakon saopćenja ocjene podnijeti obrazloženi pismeni zahtjev za ponavljanje ispita.

Student koji ni nakon drugog polaganja popravnog ispita ne ostvari dovoljan broj bodova za prolaznu ocjenu, upućuju se na polaganje ispita pred komisijom, koju formira Vijeće organizacione jedinice za svaki predmet. Broj ispita koje student može prenijeti u narednu godinu studija određen je Pravilima Univerziteta.

**Član 6.**

Nastavno osoblje obavezno je primjenjivati ovaj sistem ocjenjivanja i kontinuirano, kroz zapisnike pratiti rad studenata, kao i upoznati sve studente sa sadržajem odluke, na početku semestra. Zapisnik sa formiranom konačnom ocjenom, predmetni nastavnik predaje studentskoj službi, po završetku ispitnih rokova.

Član 7.

Odluka je obavezna za sve organizacione jedinice/fakultete Univerziteta u Travniku koje nisu donijele vlastitu odluku po osnovu člana 3. ove odluke i primjenjuje se od akademske 2025./2026. godine, odnosno od 01.10.2025. godine.

Rektor

prof. dr. Rasim Dacić

Dostavljeno:

- PFK
- FMPE
- EFT
- FTS
- FZF
- a/a